

6 Julai 2020

SIARAN MEDIA

oleh DR ANG MING CHEE

Pengurus Besar, George Town World Heritage Incorporated

**Normal Baharu di George Town:
George Town World Heritage Incorporated Melancarkan 3 Inisiatif Projek dalam
Memperkasakan Komuniti Tempatan**

1. Kerajaan Negeri Pulau Pinang melalui George Town World Heritage Incorporated (GTWHI) telah memperuntukkan sejumlah RM1 juta untuk melaksanakan projek “Normal Baharu di George Town” untuk menjana semula dan membantu peralihan sektor warisan budaya Pulau Pinang ke dalam menghadapi normal baharu.
2. Projek “Normal Baharu di George Town” mempunyai tiga (3) komponen seperti berikut:
 - a. **Sokong Perniagaan Tempatan**
 - Memberi bantuan melalui promosi pemasaran digital bagi perniagaan tempatan untuk disesuaikan dengan normal baharu.
 - Keutamaan diberikan kepada perniagaan yang telah beroperasi melebihi 10 tahun.
 - Kira-kira 3,000 perniagaan di Tapak Warisan Dunia UNESCO George Town dan 5,000 perniagaan yang merupakan sebahagian daripada rangkaian ekosistem budaya dan kewangan bagi Tapak Warisan Dunia George Town boleh mengambil bahagian dalam projek ini.
 - GTWHI berharap dapat membimbing dan membantu perniagaan tempatan untuk menerokai peluang perniagaan dan pelanggan baru melalui dunia digital.
 - b. **Pembaikan Bangunan Warisan**
 - Bantuan kewangan secara bayaran balik dengan maksimum sebanyak RM1,500 secara “one-off” untuk pemilik atau penyewa bangunan warisan (Kategori I dan Kategori II seperti yang telah diwartakan di dalam Rancangan Kawasan Khas George Town) yang berkelayakan di dalam Tapak Warisan Dunia UNESCO George Town untuk kerja-kerja pembaikan dan penyelenggaraan kecil pada bangunan warisan mereka.
 - Kerja pembaikan ini termasuk menaik taraf pendawaian elektrik, mengecat semula dinding dalaman dan luaran bangunan, membuang tumbuh-tumbuhan dari fasad, merawat masalah anai-anai atau kerja-kerja lain dengan mematuhi peraturan dan undang-undang warisan seperti yang dinyatakan di dalam Rancangan Kawasan Khas George Town.
 - Permohonan perlu dikemukakan sebelum kerja di tapak bermula.
 - Kami amat berharap dengan bantuan pembaikan kecil ini akan memberi harapan baru kepada pemilik atau penyewa bangunan warisan dalam berhadapan dengan normal baharu.
 - c. **Video Warisan**
 - Pengamal warisan budaya yang berada di Pulau Pinang dan bergantung kepada kemahiran, pengetahuan atau perkhidmatan sebagai sumber pendapatan utama adalah digalakkan untuk menyertai projek ini.

- Keutamaan akan diberikan kepada individu atau perniagaan yang masih belum mempunyai strategi pemasaran digital.
 - Pemohon perlu mencadangkan video yang berdurasi 5 hingga 20 minit bagi berkongsi kemahiran, pengetahuan atau proses kerja tangan mereka.
 - GTWHI akan membimbing pemohon disenarai pendek dengan kaedah rakaman video dan cara perkongsian platform digital.
 - Rakaman video dan maklumat perniagaan akan dipromosikan ke dalam laman sesawang dan saluran media sosial GTWHI.
 - Pemohon yang berjaya melengkapkan projek ini akan mendapat insentif sekali sebanyak RM1,500.
 - Mampu memperkasakan pengamal warisan budaya bagi memperluaskan pasaran perniagaan mereka ke dunia digital.
3. Ketiga-tiga projek ini dijangka akan memberi manfaat kepada:
 - a. 3,000 perniagaan di Tapak Warisan Dunia UNESCO George Town.
 - b. 5,000 perniagaan yang merupakan sebahagian daripada rantaian ekosistem budaya dan kewangan bagi Tapak Warisan Dunia UNESCO George Town.
 - c. 267 pemilik atau penyewa bangunan warisan di Tapak Warisan Dunia UNESCO George Town.
 - d. 267 pengamal warisan budaya dalam Pulau Pinang.
 4. GTWHI ingin menjemput pemohon yang layak dan berminat untuk mendaftar dengan menghubungi talian hotline GTWHI 04-2616606 dari jam 10 pagi hingga 4 petang, Isnin hingga Jumaat. Staf kami yang bertutur dalam bahasa vernakular (dialek tempatan) akan membantu pemohon untuk melengkapkan borang permohonan mereka.
 5. Pemohon juga boleh mendaftar secara dalam talian:
 - a. [Borang Permohonan \(Bahasa Melayu\)](#)
 - b. [Borang Permohonan \(Bahasa Cina\)](#)
 - c. [Borang Permohonan \(Bahasa Inggeris\)](#)
 6. Fasa pertama permohonan akan dibuka pada 8 Julai 2020 dan ditutup pada 31 Ogos 2020.
 7. Untuk maklumat lebih lanjut, sila layari www.gtwhi.com.my atau e-mel info@gtwhi.com.my.
 8. Warisan budaya mengandungi ilmu pengetahuan dan sumber kekayaan yang diperturunkan dari nenek moyang dan akan memberikan kekuatan kepada semua untuk terus bertahan serta dapat menyesuaikan diri dengan normal baharu. George Town World Heritage Incorporated akan bersama-sama komuniti tempatan dalam menghadapi normal baharu serta meneroka peluang yang ada.

/tamat

Untuk perhubungan media, sila hubungi:

Josephine Jalleh
Pengurus Bahagian Komunikasi dan Kolaborasi
George Town World Heritage Incorporated
017-446 5366, josephine@gtwhi.com.my